

菅家文草

十



~ 16
3326
10



門 16
號 3326
卷 10



管家文草第十

表狀牒狀

表狀

為藤大納言辭右近衛大將表

三代實錄十三
三川真道藏

臣氏宗言臣伏奉 恩制得備宿衛光寵自天
懼心無地臣誠惶誠恐頓首頓首死罪死罪臣才非
文武智謝股肱忝假納言之名空竊大將之号
一以慙於過分一以耻於非據况乎乘榆景暮
蒲柳氣衰僅可陪縉紳之臣何堪預陛戟之列
仍先再修上表請解右大將遂無聞天之聲逾

黑川真賴藏書

黑川真賴

管家文草

卷十

益伏地之恐臣以為甲冑未必忠信忠信自為
甲冑望請解罷所帶避路於後賢臣尸素可以
除臣愚丹可以盡不勝懇歎抗表以聞臣氏宗
誠惶誠恐頓首頓首死罪死罪謹言

貞觀八年十一月二十九日從三位守權

大納言兼右近衛大將臣藤原朝臣氏宗

上表

三代實錄為太政大臣謝加年官賜隨身第一表
十九臣良房言伏奉今日十日 勅旨賜臣以食邑

如舊命年官准三官帶刀資人隨身兵仗等事
荷恩不力銜膽無間中臣聞大政大臣者上理
陰陽下經邦國一人有慶師範猶施四海無波
儀形自用而先帝不棄臣庸瑣委以此崇班純
陽未免履冰臘月逾添流汗自愧形影深執攜
謙唯許減封三分有一又隨身兵仗等事雖舊
貫臣不敢當其仁年官則恩是新情臣未堪為
其首故臣並固辭以視不虛受今陛下更憲
章先帝重宣慰鴻私忠誠不移先後惟一臣欲

推賢以避路何私陛下公選之官將扶老以干城何分陛下宿衛之士况比年調和不偶水旱重仍倉庫少禮節之資城池失金湯之險故去十一年六月二十六日聖主下勅曰服御常膳並宜減撤同年七月二日公鄉上奏曰五位已上封祿亦暫減折其議未復其事猶存豈君臣偏好卑謙蓋內外共待豐稔若以斯時全食彼邑欺耻格於先帝而取嫌猜於當時也且尸素者天奪其鑿充盈者鬼瞰其家溫飽有餘何以

分得官者或年三四人陛下以為慰舊功力臣以為拜家數人未報萬乘之先恩何擬三宮以新制臣持心不重暫欲樂地中之山稟質猶輕恐不為風下之草今不堪懇誠重表以聞臣良房誠惶誠恐頓首頓首死罪死罪謹言
貞觀十三年四月十八日大政大臣云云

臣良房為大政大臣重謝年官隨身第三表
言丹款無遺紫泥不測事之嫌志之執

至于再至于三臣某誠惶誠恐頓首頓首死罪
臣伏惟滿而不傾者未聞百器之一器貴而能
久者誰見萬家之一家臣雲漢昭回位望斯極
天顏咫尺恩寵有餘臣所以固辭崇賞爰復一
如前表而已殊恨桑榆景薄蒲柳秋深雖有肝
膽之精勤而闕晨昏之供奉縱使臣封至連城
富為潤屋歲入之多家門可無遊用日克之費
伏臘今有幾迴時不可留心不可轉臣輸陛下
以忠誠無二陛下賜臣以眉壽且千又如勅

忘止足年齡已暮暫欲養遊魂臣所以不奉遵
公私兼濟而已不任懇歎屏營之至謹修表狀
陳讓以聞臣良房誠兢誠惕頓首頓首死罪死
罪謹言

貞觀十三年四月十四日太政大臣從一
位臣藤原朝臣良房上表

三代實錄
十九

為大政大臣重謝年官隨身第二表

臣良房言去十五日中使中納言藤原朝臣

基

經至奉宣聖旨返臣上表將遂先

勅頓首苦刻

肌并慙蜚耳謝中臣自謂功之輕薄鴻毛則其重
萬鈞賞之深淵鼉海則其淺三尺蓋荒年祭祀
禮不必充豐嗛歲威儀事或從儉約今陛下藜
羹自存王公茅土且減臣全不食邑之意將斷
先已之嫌若事不得已義可必行五稼登年群
臣復舊然後同享所減臣願足矣又陛下不許
臣就私第賜直廬於禁中霜仗百重隨身何用
虎賁千列帶仗安施臣所以固辭亦復在此臣
所有一兩僕隸皆是陛下幼年之侍童也隨

肯則陛下自有忘德之嫌歸臣多以好謙之責
昧死無地眉自何施而事爲國不爲身義向公
不向私將分憂織婦何取笑樵夫臣枯骨之餘
請訓蒼昊臣寸心之重願帶黃河今不堪精誠
之至累表枕聞臣良房誠惶誠恐頓首頓首死
罪死罪謹言

貞觀十三年四月二十日大政大臣云云

爲太學助教善淵朝臣永貞請解官侍
母表

臣永貞言永貞當年負笈壯日成功乃心於王
室之前義手於黎民之下臣母妾今年八十有
五颯風南吹薄暮西夕豎雖三世藥雖萬金施
之遊魂有何一効臣聞侍養之道律令有文子
孫盡之然後旁達臣被天摩折終鮮兄弟臣弟
少外記愛成身居顯官才劣可用臣爲太學助

教十五年來圓冠非中身之服函丈是遊手之
資羊質虎皮名留實去夫人生於三事之如一
居官以養異於委親然而君臣絕道愛敬不可
兩全朱白殊門忠孝何以兼濟臣先是帝城之
外有一小園茅屋數間草萊三逕樵蘇之費不
備力以何供藜藿之羹不假地而欲薦此是區
區之尺土足待老母之餘年弟愛成出爲魏闕
之臣臣永貞入爲寒閨之子或家或國共是王
臣伏惟聖朝爲民父母以孝行治政不及旦暮

之人恩先遍期願之老昔令伯爲祖母辭官晉
帝無不省覽臣今爲所生解侍陛下何敢依違
縱謂臣去官請察多士之居於臣後謂臣專孝
將見求忠之心於臣門若桑榆遂落骸骨長歸
歛手足形乃盡臣節而已今不勝烏鳥之情昧
死以聞臣永貞誠惶誠恐頓首頓首死罪死罪
謹言

貞觀十四年

爲右大臣謝官表 文粹五

臣基經言 基經 伏奉恩旨以去八月十五日任
右大臣仰思注意望辰極以魂亡俯紆具瞻揖
烝黎而顏厚臣某誠恐誠惶頓首頓首死罪死
罪臣銀黃監服菽麥弥昏欲報光寵於昊蒼更
累崇班於尸素沉平禮之強仕臣齒未滿其期
書之阜成臣能未及其事昔甘羅之一十餘二
以多智不爲少年今微臣之三十有七以無才
猶謂太早伏願陛下鴻慈聽臣愚悃退臣所
帶俾槐路絕曠官之聲華門得稅駕之地不勝

至誠上表以聞臣基經誠惶誠恐頓首頓首死罪死罪謹言

貞觀十四年十月十三日右大臣正三位

云云

為小野親王謝別給封戶第一表

臣某言去九月二十一日勅旨賜臣百戶之封以助齋餼之費仰承溫煦未悟比量謝中臣往年病發沉困不歸謝簪纓於帝城約香火於釋衆菩提一念身雖在草庵之中空觀六時心未

離魏闕之下大致臣合門萬事皆隨省折灰冷之服備避風菜茹之資資送日若更蒙新賞猶滿舊封水石幽閑之地有嫌於貯藏煙霞晚暮之家無節於遊用陛下寵光不翅恩之又恩甚深臣虛受非切過而再過惟重伏願陛下察臣丹款照臣素情卷中縟於九重留上腴之百戶臣願足矣臣望稱焉臣某誠惶誠恐頓首頓首死罪死罪謹言

貞觀十年十月十九日

爲小野親王重謝別給封戶第二表
臣某言中使右近衛少將平朝臣正範至臣草廬宣傳口勅推心出言中情自見量分辭賞上表無聽臣葭葦屬貴磐石對高將繫歟電於殘魂奄超玄流於遺教王臣匪躬之義念念逾真佛子行道之勤生生何慢至彼曉嵐蕭颯讀誦經行澗水潺湲優游自得斯則所以陛下不咎臣入道俾成臣本願之故也何更家蓄萬鍾空待山鬼之瞰室無懸磬長失野夫之聞陛下鴻

慈願賜照察臣之幸矣不烈悅乎無勝歎重累以聞臣某謹言

貞觀十三年十月二十五日

爲小野親王重謝別給封戶第三表

臣某言去月二十六日中使左近衛少將藤原朝臣有實至謹奉勅荅宣喻殷勤淚汗俱下謝中臣昔帶職從事之日冠蓋無非聖恩臣今移病出家之時衣鉢皆是官施一死一生或出或處若負恩德明神慈之臣伏案去十月二十三

日施行詔書勸督州吏掩水傷之尸骸收拾郡
民復風宮之備役自古聖帝明王未聞無災唯
在克已復禮謂之有道而已方今如綸命之旨
養臣以孔懷之親陛下旣憂國家小臣豈安
寢夢嗟辱臣御栽松竹寒而不可裁衣產業香
華飢而不可充食然猶庶幾手掬山椀以備租
稅之逋懸肩舁野蔬以助黎民之炊爨曷爲當
此有損之年空受無功之賞使陛下取名於私
親小臣忘義於知止縱天下譏不載千口而臣

獨自不懼于心乎伏望特賜優恕察臣愚歎臣
寄生者陛下將終始於一心臣師事者世尊
何屈申於兩舌不敢飾謙恐處違勅慈悲哀愍
必垂聽許不堪悃誠之至重以上表并聞臣某
誠惶誠恐頓首頓首死罪死罪謹言

貞觀十六年十一月

爲式部鄉親王請罷所職表

臣忠良言中使官姓名至宣傳只勅掇臣退官
之情加以溫慰之辭臣位高二品年迫六旬寵

光之恩甚深，報國之力既屈，然氣離魂魄，王母甫降而不治病，結膏肓扁鵲重產而何益，望闕嗚咽，冠帶不由命矣。皇天使臣固疾伏願，陛下內照眷情，外顧人議，以賜優放，為臣長生之術，以察愚誠，為臣不死之藥，不堪悃歎，重累杌聞。臣忠良誠惶，誠恐頓首頓首，死罪死罪，謹言。

年 月 日

為右大臣、上、太、上皇重請被停撰政表
臣基經言中使右近衛權中將藤原朝臣山陰

至奉傳，勅旨抑止。臣請不知愚歎之乖，聖懷更疑微誠之逸，天聽臣某誠惶，誠恐頓首頓首，死罪死罪。臣位貴官重，皆是陛下之殊私，祿厚封高，然復陛下之絕寵，殊恨淹引日月，偷安非服，不意綸命乍降，屬以重寄，縱令陛下責臣以有一割之刀，而復臣訴。陛下以無再全之錦，不獨顧身，然能思國，以臣思國之慮，將盡報主之情。陛下推而察之，莫重臣罪，臣以為為春蒼夏昊，猶是一天朝，東暮西未，為兩日伏願。

臣心不離魏闕將致今上臣子之忠臣身常侍
仙階不失亡叔臨終之命臣謹檢故事皇帝之
母必外尊位又察前修幼主之代太后臨朝陛
下若寶重天下憂思幼主則皇母尊位之後乃
許臨朝之儀臣竭力施功不敢懈緩臣誠盡矣
臣願足焉不堪悃歎之至累表上聞臣基經誠
惶誠恐頓首頓首死罪死罪謹言

貞觀十八年十二月五日

為南大納言致仕表

臣年名言臣聞年滿致仕人臣之禮也氣衰發
病人生之命也氣衰年滿臣既知之知而忘之
味免重責謝中臣位昇三品職至納言前兢却惕
冰淵意危昨是今非犬馬齒截臣平生以為性
雖愚蒙止足之分不敢踰矩力雖喘息貪進之
間不敢從心至于陛下即位春秋甚富臣不忍
逐孤雲以歸骸骨苟且延數日而報國家豈圖
心事不諧因病乍發淹沉未幾魂氣如離臣自
謂茅土封高皇天降譴於陰罰康衢漏盡冥鑒

結罪於夜行臣八百戶之恩死而不朽臣七十
年之壽生以幾時伏願 陛下賜臣放歸優臣
告老以聞恩許為藥石之効以蒙勅裕為招復
之方臣欲荷表函以奏闕下起居不便冠帶無
由故謹遣男從五位下內藏助良臣抗表以聞

貞觀十九年四月八日

三代實錄

三十五

奉勅重上太上天皇請不減御封表

臣諱言伏奉勅旨減折御封不恭承而止畏
切棲冰欲掛默以從誠虧底露中謝臣聞天之與

入孝子業在諧命事之隨理愚夫慎其有常故
一天下之至尊臣不拒前勅於章雅二千戶之
甚少臣能替舊章於老成而今枉降中使重叙
眷情纔納半封更增措挹臣謹計入租伏量輸
貢若任土非實恐支用或虛陛下縱損全數雖
有撝謙之德臣遂從折分既忘愛禮之義况皇
天貴誠不貴物臣子為道不為身 陛下臣之
皇天也請將盡誠於方寸臣陛下之臣子也請
不失道於小銖伏願鴻慈迴照鑒臣血誠仰雲

齋以兢惕流汗臨淵谷以累表抗聞臣諱誠恐
誠惶頓首頓首

元慶三年二月十七日

為公卿賀朔旦冬至表

文粹四三代實錄
三十六

臣基經等言臣聞潛鱗游泳樂春水於和風稚
羽來賓拂曉雲於秋月彼微情之二物猶感奉
天况在位之群臣誰忘欽化臣某等誠歡誠喜
頓首頓首死罪死罪夫三象知程四騶得道斯
乃寒溫之平也雙離合璧五緯連珠斯乃聖哲

之事也臣等謹案曆日十一月丙辰朔旦冬至
誓之舊章理誠宜賀伏惟皇帝陛下欽若無掩
昇惟馨於昊天敬授不偷襲其是於黎庶盖古
先帝之所希有舊史氏之所罕言陛下得之明
德至矣猗歟日則南至陛下向陽之美可觀星
惟北共臣等請闕之誠何切聖壽無疆明時有
瑞不勝抃舞拜表以聞臣某等誠歡誠喜頓首
頓首死罪死罪謹言

元慶三年十一月一日

為尚侍源朝臣全姬請罷職表

文粹五

妾全姬謹言妾先陳悃誠請解所職重年遠隔單素難通一二年來逾增顏厚今妾位崇三品齡迫七旬將假脂粉以從事紫闥非扶杖之庭欲催綺羅以勤公丹悃懸懸車之義妾不敢謙退白日惟明妾亦無飾詞蒼天在上伏願殊垂降鑒聽妾誠請避高班於賢路養殘氣於幽閨妾全姬誠惶誠恐頓首頓首死罪死罪謹言

元慶四年

臣基經等言政之脂飾非禮不成其儀儀之縷

三代實錄四十一

談惟冠以居其首伏惟皇帝陛下憲章有程體履無躡卜青陽而遇吉元服既崇排紫極以臨民凝旒在曠禮之盛也賀其捨諸臣等追寧舞於百獸非驚華磬之聲學爭壽於三呼何必岱山之岫無任抃躍之至誠歡誠喜頓首頓首死罪死罪

元慶六年正月七日

爲右大臣謝官第一表

臣多言伏奉今月十日詔旨授臣右大臣處身
無地穹谷萬尋危步底春冶冰三寸中臣政多謝
擁咽久偷喉舌之官材長輪困幸全葭莘之質
豈圖鳳銜乍翫臣之名字載其先鳴龍渙周流
臣之斗筭承其渥澤切心而畏剟骨以慙慙畏不
足萬死而已伏望 陛下高開聖聽遠察烟舟
勿使臣受陰爵於彼蒼貪重任於虛素不勝誠
切上表以聞臣多誠惶誠恐頓首頓首死罪死

罪謹言

元慶六年正月十二日右大臣從二位源
朝臣上表

爲右大臣重謝官第二表

臣多言今月十四日中使從四位下權左中辨
兼左近衛少將藤原朝臣遠經至奉宣勅旨
不聽臣表寵章不翅肩荷之力難任榮分無限
戰栗之情何止臣某誠惶誠恐頓首頓首死罪
死罪臣內無從流之補外闕橫草之勞勲賢共

空位望惟溢縱令 陛下江海其恩奈神稜鬼
瞰何微臣灰塵其骨奈庶績具瞻何伏願 陛
下更迴覆燾之德遍施煦嘔之仁量攝臣誠莫
拒懇請不堪兢惕屏營之至重以枕表陳言臣
多誠惶誠恐頓首頓首死罪死罪謹言

元慶六年正月十九日右大臣從二位源

朝臣

為右大臣請減職封半表

臣多言臣修表辭職不聽再迴將重渥愚舟恐

屢塵聖纘臣謹檢承前古來任大臣者培割職
封返收公府臣雖云庸瑣見賢思齊伏願 陛
下留臣所食千戶接遺義於百年然則蕭捩之
責稍減分銖金湯之守請支萬一不堪悃欵之
至上表以聞臣多誠惶誠恐頓首頓首死罪死
罪謹言

元慶六年閏七月十六日右大臣從二位
兼行左近衛大將臣源朝臣上表

辭右大臣職第一表 文粹五

臣道真言伏奉レ今月十四日詔旨以臣任右大
臣仰戴天慈不知レ所措謝中臣地非貴種家是儒
林偏因太上皇往年拔擢之恩自至諸公卿今
日昇進之次無寢無食以思以慮人心已不縱
容鬼瞰必加レ睚眦伏願 陛下高迴聖鑒早罷
臣官非唯不奪志於匹夫亦復得從望於衆庶
不堪懇歎屏營之至上表以聞臣道真誠惶誠
恐頓首頓首死罪死罪謹言

昌泰二年二月二十七日正三位守右大

臣兼行右近衛大將臣菅原朝臣罪死罪
重請解右大臣職第二表 文粹五

臣道真言去月二十八日中使從四位上修理
大夫兼行左近衛中將備前權守在原朝臣友
干至奉宣恩肯返臣上表天無不覆為臣何約
其周日無不臨為臣何鞫其照中謝臣初舉秀才
後為博士頻遷不止俄忝崇班曩者孫弘高第
羣賢大儒至其居專終而屬具瞻則年已耆與
學逾明也以年言之臣少於弘二十年以學論

乏臣不及賢千萬里况復當時納言居臣下者
將相貴種宗室清流皆是臣抱書卷遊蠻門之
日位望先貴冠蓋自高臣若不獲已可就朝列
猶踞爐炭以待燒亡履冷水而期陷沒矣遠尋
漢代近計周行上畏蒼昊下耻黔庶步不安步
何以授手於紀綱心不攝心自然慙顏於輶轄
而已伏惟陛下追廻寵命賜解臣官改授其
人俾賢得路不在戰越兢憊之至謹無奉表陳
乞以聞臣道真誠惶誠恐頓首頓首死罪死罪

謹言

昌泰二年三月四日正三位守右大臣

重請解右大臣職第三表 文粹五

臣道真言今月四日中使從五位上守左近衛少
將源朝臣緒嗣奉傳天旨不聽懇請臣戴恩惟
重海鰲之首難勝祈感未休皇鶴之聲欲竭中謝
臣地望荒廉售以箕裘之遺業天資淺薄飾以
螢雪之末光不圖太上天皇拔於南海前吏聖
主陛下不棄於東宮舊臣吹毛之疵還榮華以

菅原文正

鋒起銷骨之毀隨爵祿以荐臻嗟辱樞衣不遑
星霜僅移一十潤屋無限封戶忽滿二千臣自
知其適差人孰怨彼盈溢顛覆急於流電傾頽
應於踰機而已伏望 睿覽降臨 宸衷曲鑒
削臣官以全臣福接臣寵以保臣身寵渥官崇
皆是不翅之飛翔也身安福景豈非無涯之霈
澤乎不勝迷懼之至重以拜伏陳言臣道真誠
惶誠恐頓首頓首死罪死罪謹言
昌泰二年三月二十八日正三位守右大

臣云云

請減大臣職封一千戶表 文粹五

臣道真謹言臣自當重命推讓三廻空谷不傳
履冰而止中謝臣伏惟大臣新任必折半封志此
於守括謙義歸於增海岱况臣性勉時習計日
之資可支家寄風情浮雲之富難繫問之千五
前規灼然取諸一身餘慶至矣伏願 聖主陛
下上稽舊史下附所司以減臣所食一千戶不
勝懇切上表以聞臣道真誠惶誠恐頓首頓首

死罪死罪謹言

昌泰二年十一月五日正三位守右大臣

兼行右近衛大將

牒狀

奉勅為太政官報在唐僧中瑾牒

太政官牒在唐僧中瑾報上表狀

牒奉勅省中瑾表悉之久阻兵亂今稍安和
一書數行先憂後喜腦源茶等准狀領受誠之
為深溟海如淺來狀云温州刺史朱褒特發入

信遠投東國波浪眇焉雖感宿懷誓之舊典奈
容納何不敢固疑中瑾消息事理所至欲罷不
能如聞商人說大唐事之次多云賊寇以來十
有餘年朱褒獨全所部天子特愛忠勤事之髣
髴也雖得由緒於風聞苟為人君者孰不傾耳
以悅之儀制有限言申志屈迎送之中披陳旨
趣又頃年頻災資具難備而朝議已定欲發使
者辨整之間或延年月太官有間得意叙之者
准勅牒送宜知此意沙金一百五十兩以賜

中權旅庵衣鉢適支分銖故牒

寬平六年七月二十二日左大史云

文章生從八位下紀朝臣長谷雄

牒件人希顏不林點腦頃診秀才之選誠在斯人仍乞補如件謹牒

元慶三年十一月二十日從五位上行式

部少輔兼文章博士菅原朝臣

文章生從八位上巨辨朝臣里仁

牒件人誓古惟勤日新可待仍請補得業生之

闕如件謹牒

元慶七年十月十六日從五位上行式部

少輔兼文章博士菅原朝臣

保安五年後二月十一日書之

散班藤廣

天兼元年八月八日進納 北野聖廟加後集

定十三卷之外菅相公御集一卷第十五卷同以進納之

朝散大夫藤廣兼

三十一

三十一

陽曆本月六日

文

陽曆本月十日十六日

關收

